

Broj:07-02-1334-05/40/11
Mostar, 13.01.2012. godine

Na osnovu člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04) i člana 31. stav (2) i člana 62. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 50. stav (2), člana 59. i člana 73. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), te Odluke o provođenju petog tarifnog postupka broj 07-02-1334-04/40/11 od 13.01.2012. godine, Regulatorna komisija za električnu energiju u Federaciji Bosne i Hercegovine – FERK je, na I redovnoj sjednici održanoj u Mostaru dana 13.01.2012. godine, donijela

O D L U K U

o imenovanju voditelja postupka

Član 1.

Imenuje se **Ivica Drežnjak**, rukovodilac Sektora zajedničkih poslova/tajnik FERK-a, za voditelja postupka formalne rasprave u petom tarifnom postupku pokrenutom po Zahtjevu za pokretanje tarifnog postupka za djelatnost snabdjevanja električnom energijom prvog reda, primljenog u FERK 30.12.2012. godine pod brojem 07-02-1334/40/11, na kojoj će se raspravljati i o prijedlogu tarifnih stavova za nekvalifikovane (tarifne) kupce Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.

Član 2.

Imenuje se **Slavica Stojčić**, rukovodilac Sektora za pravne poslove, za zamjenika voditelja postupka formalne rasprave u petom tarifnom postupku pokrenutom po Zahtjevu za pokretanje tarifnog postupka za djelatnost snabdjevanja električnom energijom prvog reda, primljenom u FERK 30.12.2011. godine pod brojem 07-02-1334/40/11, na kojoj će se raspravljati i o prijedlogu tarifnih stavova za nekvalifikovane (tarifne) kupce Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.

Član 3.

Imenovani voditelj postupka, ima sva ovlaštenja i obaveze utvrđene u članu 59. i članu 73. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine .

Član 4.

Imenovani zamjenik voditelja postupka, u odsutnosti voditelja postupka, ima sva ovlaštenja i obaveze utvrđene u članu 59. i članu 73. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine.

Član 5.

Određuju se zaposlenici FERK-a, **Igor Glibić**, rukovodilac Sektora za tarife i **Slavica Stojčić**, rukovodilac Sektora za pravne poslove, za pripremanje konačnog pisanog izvještaja iz člana 3. ove odluke, u skladu sa članom 73. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine.

Član 6.

Voditelj postupka iz člana 1. i zaposlenici FERK-a iz člana 5. ove odluke će konačni pisani izvještaj i komentare strana u postupku na izvještaj dostaviti FERK-u prema planu provođenja postupka formalne rasprave, vodeći računa o rokovima za donošenje konačnih odluka u petom tarifnom postupku.

Član 7.

Ova odluka stupa na snagu danom donošenja i objavljuje se na oglasnoj tabli i na web stranici FERK-a.

O b r a z l o ž e n j e

Odlukom o provođenju petog tarifnog postupka broj 07-02-1334-04/40/11 od 13.01.2012. godine utvrđeno je da je započeo peti tarifni postupak po Zahtjevu za pokretanje tarifnog postupka za djelatnost snabdijevanja električnom energijom prvog reda, primljenog u FERK 30.12.2011. godine pod brojem 07-02-1334/40/11, podnosioca zahtjeva Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, te je određeno mjesto i vrijeme održavanja formalne rasprave u petom tarifnom postupku po Zahtjevu za pokretanje tarifnog postupka za djelatnost snabdijevanja električnom energijom prvog reda, na kojoj će se raspravljati i o prijedlogu tarifnih stavova za nekvalifikovane (tarifne) kupce Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.

Članom 62. Poslovnika o radu FERK-a propisano je da FERK može delegirati svoja ovlaštenja jednom članu FERK-a ili licu zaposlenom u FERK-u da bude voditelj postupka u bilo kojem postupku FERK-a da bi se osiguralo funkcionisanje FERK-a. Istim članom predviđeno je i pripremanje pisanog izvještaja o utvrđivanju činjenica, činjeničnog stanja i preporuke za razmatranje FERK-u, a može se osigurati i usmeni izvještaj FERK-u na internim sastancima ili sjednicama.

Članom 50. stav (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine propisano je da FERK imenuje voditelja postupka formalne rasprave koji ima sva ovlaštenja i obaveze utvrđene Poslovníkom o radu FERK-a, ovim pravilnikom i drugim pravilima FERK-a i vodi formalnu raspravu na nepristrasan način.

Članom 59. istog pravilnika propisana su posebna ovlaštenja i obaveze voditelja postupka, u skladu sa članom 73. stav (1) po završetku formalne rasprave, voditelj postupka ili drugi zaposlenik kojeg odredi FERK, priprema konačni pisani izvještaj koji uključuje: utvrđene činjenice, dokaze kojima se potvrđuju te činjenice, zakonske odredbe, troškove postupka, te preporuku rješenja i dostavlja izvještaj FERK-u i stranama u postupku.

Na osnovu navedenog, odlučeno je kao u dispozitivu ove odluke.

**Dulizara Hadžimustafić s.r.
PREDSJEDNICA FERK-a**